



SULDAL KOMMUNE  
Eidsvegen 7  
4230 SAND

Vår ref.:	Sakshandsamar:	Dato
2017/321-10	Sigrid Bjørgum sigrid.bjorgum@bykle.kommune.no	24.01.2018

## Melding om vedtak

Revisjon av konsesjonsvilkår-Ulla-Førre utbygginga. Kravsdokument

### Saksprotokoll i Formannskap - 16.01.2018

Saka vart drøfta  
Tilrådinga vart samrøystes vedteke

#### Vedtak:

Formannskapet i Bykle godkjenner at vedlagde kravdokument «Revisjonskrav for Ulla Førre» blir oversendt NVE slik det ligg føre.

#### Rådmannen si tilråding:

Formannskapet i Bykle godkjenner at vedlagde kravdokument «Revisjonskrav for Ulla Førre» blir oversendt NVE slik det ligg føre.

Med helsing  
Bykle kommune

Sigrid Bjørgum  
rådgjevar

Brevet er elektronisk godkjent og sendast utan underskrift.



Saksmappe: 2017/321  
Sakshandsamar: SBJ  
Dato: 09.01.2018

## SAKSFRAMLEGG

Utv.saksnr	Utvalg	Møtedato
3/18	Formannskap	16.01.2018

### Revisjon av konsesjonsvilkår-Ulla-Førre utbygginga. Kravsdokument.

#### Saksprotokoll i Formannskap - 16.01.2018

Saka vart drøfta  
Tilrådinga vart samrøystes vedteke

#### Vedtak:

Formannskapet i Bykle godkjenner at vedlagde kravdokument «Revisjonskrav for Ulla Førre» blir oversendt NVE slik det ligg føre.

#### Rådmannen si tilråding:

Formannskapet i Bykle godkjenner at vedlagde kravdokument «Revisjonskrav for Ulla Førre» blir oversendt NVE slik det ligg føre.

## SAKSUTGREIING

### Samandrag/ konklusjon

Det blei gitt konsesjon for Ulla Førre utbygginga i 1974, og konsesjonen kan reviderast i 2022.

Administrasjonen i Hjelmeland, Suldal og Bykle kommunar har utarbeidd eit forslag til kravdokument.

Dette dokumentet blir nå lagt fram til politisk godkjenning før kravet blir oversendt NVE.

## Bakgrunn for saka

Det blei gitt konsesjon for Ulla Førre utbygginga i 1974. Etter regelverket for vassdragskonsesjonar kan det nå opnast for revisjon av miljøvilkåra til konsesjonen i 2022. Hjelmeland, Suldal og Bykle kommunar har sett i gong eit samarbeid for å fremja eit felles krav om revisjon.

Administrasjonen i dei tre kommunane har saman utarbeidd eit forslag til krav til revisjonen. Dette dokumentet blir nå lagt fram for kommunestyra for godkjenning før kravet blir oversendt NVE.

Arbeidet med å utarbeida kravet starta med at kommunane ba om innspel blant anna frå grunneigarar, lag og organisasjonar. Desse innspela har danna ein del av grunnlaget for kravet. I tillegg har ein lagt til grunn Vannforvaltningsplan for Rogaland vannregion, innspel frå Rogaland fylkeskommune og Fylkesmannen i Rogaland.

Saksbehandlarane har også vore i kontakt med NVE, og har hatt dialog med Statkraft som er regulant. Lund & Co., som er sekretariat for LVK, har også vore støttespelarar i arbeidet. Arbeidet med utarbeiding av kravdokumentet er delt mellom saksbehandlarane i dei tre kommunane, medan Suldal kommune har hatt samordningsansvaret.

## Formelt grunnlag

Vassdragsreguleringslova § 10 post 3, om revisjon av vilkår

Vannforskrifta (Forskrift 15.12.2006 nr. 1446) og Vannforvaltningsplan for Rogaland, godkjent 4. juli i 2016, KMD.

Statsreg. for utb. av Ulla-Førrevassdragene - Reguleringsbest. m.v. – 13.09.1974

## Vurderingar og konsekvensar

### Kva kan reviderast?

Det er konsesjonsvilkåra som er gjenstand for revisjon. Vilkåra skal kunna justerast slik at produksjonen kan fortsetja på ein meir miljøvenleg måte. Lågaste og høgaste regulerte vannstand i magasinane er ein del av sjølve konsesjonen, og ikkje eit vilkår. Desse står difor fast, medan revisjonen kan fastsetja begrensingar i korleis ein manøvrerar mellom desse ulike vannstandane.

Aktuelle vilkår for revisjon kan vera krav om minstevassføring, krav til fylling og tapping av magasin (eks. sommarvannstand), tersklar/vannspeil, biotopjusterande tiltak, tilrettelegging for ferdsel og friluftsliv langs vassdraget med meir.

Det er forholdet til dei ålmenne interessene som er regulert i konsesjonen, og som er gjenstand for revisjon. Privatrettslege forhold ovanfor grunneigarar og andre rettshavarar er ikkje ein del av revisjonssaka.

### Kva må kravet innehalda?

Kravet om revisjon må grunngjevast. Grunngjevinga må innehalda ei utgreiing av skadar og ulemper som må avbøtast. Kva som ikkje fungerer ved reguleringa og kvifor det ikkje fungerer. Kravet kan også innehalda forslag til tiltak og endringar i reguleringskonsesjonen. Kravdokumentet blir seinare grunnlag for konsesjonæren sitt revisjonsdokument, og ein bør difor ta opp alle aktuelle tiltak og forhold som ein ønskjer at skal bli behandla i revisjonen.

### Kort om kravdokumentet

Det er gjort greie for kvifor kommunane meiner at revisjon av Ulla-Førre konsesjonen bør prioriterast:

- Ulla og Førre-åna er har høgast prioritet for revisjon i «Regional plan for vannforvaltning i vannregion Rogaland 2016 – 2021».
- Norge har eit spesielt ansvar for vern av atlantisk laks. Reguleringa påverkar fire laksevassdrag. Dette er Suldalsvssdraget, Ulla, Førreåna og Årdalsvassdraget. Suldalslågen er nasjonalt laksevassdrag.
- Villreinen sine leveområde skal sikrast. Ryfylkeheiane er det villreinområde i landet som har størst belastning av kraftutbygging. Områda har status som nasjonalt villreinområde. Ein revisjon kan betra forholda for villreinen.
- Blåfjell pumpe fekk konsesjon i 2013. Føreslåtte avbøtande tiltak for villreintrekk blei ikkje tatt med i tatt med i konsesjonen, då NVE og departementet viste til at tiltaket hørde til tidlegare utbyggingar og difor hørde heime i ei komande revisjonssak.

I nyare tid har ein forska seg fram til løysingar for korleis vasskraftproduksjon og omsyn til natur betre kan gå hand i hand. Det blir kalla miljødesign. Dette er ein metode for å ta vare på dyr og natur samstundes som ein produserar lønnsam fornybar energi. Difor er det i stor grad foreslått å krevja ei miljøtilpassa vassføring, og biotopforbetrande tiltak i vassdraga, framfor konkrete krav til minstevassføring.

For di det generelt er mangar i kunnskapsgrunnlaget er det eit sentralt krav at ein innhentar meir kunnskap, for så å fastslå kva som vil vera dei beste tiltaka, både i forhold til biotopforbetrande tiltak og vassføring.

Det blir også vist til at det er relevant å vurdera opprusting og utviding (O/U) av eksisterande vasskraftprosjekt i samband med revisjon.

I kravdokumentet har ein gått vist til problem/utfordringar og krav/forslag til tiltak for einkilde vassdrag og område, og bestemte tema som villrein og kulturminne.

I innleiinga er kravet oppsummert slik:

**Bykle-, Hjelmeland- og Suldal kommune krev at det blir opna revisjonssak for fastsetting av nye vilkår i Ulla-Førre. Formålet er å betre miljøforholda. Moderne standard naturforvaltningsvilkår må tas inn i konsesjonen, og den må tilpassast ny kunnskap om natur og vassmiljø, samt endringar i samfunnsutviklinga.**

**Eventuelle opprusting og utvidingsprosjekt må sjåast i samheng med revisjonen.**

**Revisjon må opnast i nåverande planperiode etter vassforskrifta, slik at nye vilkår kan tre i kraft i 2022.**

### Konklusjon:

Rådmannen tilrår at kravdokumentet som er utarbeidd av administrasjonen i dei tre kommunane, blir oversendt NVE slik det ligg føre.

Bykle, **09.01.2018**

Rådmann

**Vedlegg: Kravsdokument**